



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCCCXVI. ad annum MCCCCXXIII.

**Parisiis, 1644**

Sessio XXII. De vnione ambasiatorum regis Aragonum.

**urn:nbn:de:hbz:466:1-15653**

sim vel errorem legisse, licet ante fuerit confessus, & probatum sit euidenter, ipsum libros eorum diligenter studuisse, legisse & dogmatizasse, & in quibus constat plures errores & hæreses contineri. Vnde idem Hieronymus de sacramento altaris & transsubstantiatione panis in corpus professus est se tenere & credere, quod ecclesia tenet; dicens, se plus credere Augustino & ceteris ecclesiæ doctoribus, quam Ioanni Vuicleff & Ioanni Hus. Constat insuper ex præmissis, eundem Hieronymum prædictis Vuicleff & Hus damnatis & eorum erroribus adhærere, illorumque fautorem fuisse & esse: propter quæ eadem sancta Synodus eundem Hieronymum palmitem putridum, aridum, in vite non manentem, foras mittendum decernit, ipsumque hæreticum, & in hæresim relapsum, excommunicatum, anathematizatum pronuntiat & declarat, atque damnat.

ANNO  
CHRISTI  
1416.

## SESSIO XXII.

*De vniõne ambasiatorum regis Aragonum.*

**D**IE Iouis decimaquinta mensis Octobris, anno a natiuitate Domini millesimo quadringentesimo decimosexto, indictione nona, fuit celebrata sessio generalis in maiori ecclesia Constantiensi, ad hoc specialiter deputata, & reuerendissimus pater dominus Bartholomæus archiepiscopus Mediolanensis schedulam tenoris subsequenti legit & publicauit.

*Decretum locationis ambasiatorum regis Aragonum.*

Sacro sancta Synodus Constantiensis considerans, quod ad suam & suorum ad hoc deputatorum instantiam, oratores carissimorum ecclesiæ filiorum Iacobi & Ioannæ, regis & reginæ Ierusalem & Sicilia illustrium, requisiti fuerunt, vt quoniam expectantur oratores carissimi ecclesiæ filii regis Castellæ & Legionis illustris huc ad Synodum venturi, ad perficiendum cum ipsa Synodo ecclesiæ vniõnem, placeret eisdem oratoribus dictorum regis & reginæ, dimittere locum, quem in loco sessionis nunc tenent, tamquam qui eisdem oratoribus dicti regis Castellæ venientibus debebitur, & durante præfenti Concilio, vadant ad partem sinistram immediate post



ANNO  
CHRISTI  
1416.

ambasiatores etiam carissimi filii regis Angliæ illustris. Ideo eadem Synodus decernit & statuit, quod ob hoc, siue veniant, siue non veniant dicti oratores regis Castellæ, non præiudicetur eisdem regi & reginæ & eorum regnis, nec dictis oratoribus suis eorum nomine, aut aliis quibuscumque, quoad locum & honorem, qui sibi in hac Synodo debentur, tam in sessionibus, quam in processionibus & in aliis quibuscumque. Et si contingat, quod medio tempore ante aduentum oratorum dicti regis Castellæ, aliquis vel aliqui oratores alterius regis sederent in loco prædicto, ambasiatoribus dictorum regis Iacobi & Ioannæ reginæ dimisso, declarat eadem sancta Synodus, quod hoc erit de tolerantia, permissione & gratia, & pro hac vice dumtaxat, & quod per hoc illi vel illis nullum ius acquiratur ex sessione prædicta, nec præiudicetur dictis ambasiatoribus regis & reginæ prædictorum, & regnis ac processionibus, vel aliis actibus, qui concurrerent in hac Synodo.

Post hæc autem reuerendus dominus magister Antonius Taxal generalis ordinis beatæ Mariæ de mercede, in dicto ambone existens, legit schedulam tenoris subsequens.

*Schedula lecta per ambasiatores regis Aragonum.*

Nos Ioannes Raimundi Floch comes Cardonæ, frater Antonius Taxal sacre pagine magister, generalis ordinis beatæ Mariæ de mercede, Raimundus \* Xatmar miles, Sperans in Deo Cardonæ iurisperitus, Gundifalvus Garfiæ de sancta Maria decretorum, & Michael de Nauers vtriusque iuris, doctores, oratores & procuratores illustrissimi principis & domini nostri domini Alphonsi regis Aragonum, &c. volentes & intendentes adimplere conventionem Narbonæ initam inter serenissimum principem & dominum, dominum Sigismundum Romanorum & Hungariæ regem, & procuratores, nuntios & legatos præsentis congregationis Constantiensis ex vna; & etiam oratores & procuratores ac nuntios dominorum regum Castellæ, Aragonum & Nauarræ, nec non illustrium principum dominorum Fuxi & Armeniaci comitum ex alia partibus; præsentauimus nos in hoc loco coram paternitatibus vestris, offerentes nos ad exequendam dictam conuen-

*Concil. Tom. 29.*

S ff ij

\* *infra*  
Xantin



tionem, & omnia, & singula contenta in ea. Et sic nunc attendentes, quod in primo capitulo dictæ conuentio- nis continetur, quod conuocatio fiat per prælatos cete- rosque viros ecclesiasticos huius congregationis, per li- teras quæ dirigantur ad dominos principes & alios de o- bedientia domini Benedicti papæ decimitertii quondam nominati, & vice versa, quod præfati domini reges & principes de obedientia dicti domini Benedicti faciant per literas conuocatorias ad vos prænominatos præla- tos, ceterosque dominos de congregatione præfenti, vel per suos ambafiatores vel procuratores mittendos, vos hic in Constantia congregatos conuocabunt: & atten- to etiam quod conuocatoria litera pro parte vestra di- cto domino regi Aragonum præsentata fuerunt, volu- mus & nos satisfacere dicto capitulo, cuius tenor, quan- tum ad literas conuocatorias quæ in eo continentur, ta- lis est: Miseratione diuina episcopi, &c. Post lectionem ve- ro præfatus dominus archiepiscopus Mediolanensis præ- dictas literas conuocatorias legit alta voce, in dicto am- bone existens.

*Literæ conuocatoria.*

*Miseratione diuina episcopi, presbyteri, diaconi cardinales, patriarchæ, archiepiscopi, prælati, & ceteri in Constantia prouinciæ Moguntinensis in Christi nomine congregati, illustri principi Ferdinando Dei gratia Aragonum & Siciliae regi, sa- lutem & ecclesiasticam unionem feliciter intueri.*

Quamquam misericordiæ Domini neque mensuram ponere, neque eiusdem tempora definire possumus, in dies attamen quos diligit, castigans, compertum habemus, quod flagellat, vt in tentatione prouentum faciat, & probatos ampliori retributione profèquatur. Ipso liqui- dem permittente, a triginta octo annis & amplius populus eiusdem peculiaris, qui Christiano nomine gloriamur, af- flicti fuimus pestifero & execrabili schismate præfenti, cuius occasione omnium pene viuendi modorum status con- fractus est. Vt cessaret angelus percutiens, Altissimum exorauimus, & indefesse ad id sudores nostros & animos aptauimus: propitietur populo suo misericors Domi- nus, deprecamur, & secundum altitudinem cæli a terra



ANNO  
CHRISTI  
1416.

corroboret misericordiam suam super timentes se. Vnde quamquam varios perpessi fuimus pro pace ecclesie consequenda labores, & per anni circulum & ultra circa hoc vacauerimus, nondum venit dies Domini, in qua pace frui optabamus; verum appropinquat: speramus in eius auctore, quia arras ipsius reperimus. Nam dominus, qui Gregorius duodecimus in sua obedientia dicebatur, sua sponte cessit: sic & dominus, qui Ioannes XXIII. dicebatur, facere voluit, atque fecit. Vt autem hoc idem faceret dominus Petrus de Luna, qui Benedictus decimustertius in sua obedientia nominatur, legatos & nuntios nostros ad serenitatem vestram, & ipsum cum serenissimo Romanorum rege venerabiles & reuerendos patres, & doctissimos viros archiepiscopum Turonensem, & alios collegas destinaueramus. Qui quidem dominus Petrus admonitus, rogatus, exhortatus & requisitus humiliter, apte, debite & iuridice, cessionem per ipsum iure diuino pariter & humano, & alias multipliciter debitam facere noluit, sed hucusque distulit atque differt in totius ecclesie scandalum, ac populi Christiani iacturam & animae suae detrimentum. Quam quidem cessionem vt faceret, per vos fuit dictus dominus Petrus de Luna requisitus pluries per principes & comites notabiles obedientiae suae. Idcirco vt filii pii matri suae compatientes, nitimur, & quantum in nobis est, nisi fuimus pacem praedictam obtinere, & animos virtuosorum virorum ad hoc allicere, quatenus in illo, qui est verus ecclesiae sponfus, congregati in vnum simul, matrem ecclesiam diuisam vniamus, & indecentia quaelibet quae dicti schismatis occasione pullularunt, tollamus, & de medio auferamus. Hinc serenitatem vestram obsecramus per viscera misericordiae Dei nostri, & per asperionem sui preciosissimi sanguinis, & per precium redemptionis nostrae exoramus, requirimus & monemus, quatenus ob Dei nostri reuerentiam ad tractandum vna nobiscum super infra scriptis veniatis, & subditos vestros, qui possint & debeant Conciliis generalibus interesse, quos vna vobiscum praesentibus conuocamus, moneatis, inducatis, & eosdem auctoritate a Deo vobis tradita, qua potestatis culmina intra ecclesiam principatus proprio decore tenetis, & de eadem reddituri estis rationem, iuxta

Sff iij



dispositionis vobis tradita modum conuocetis, vt infra tres menses immediate sequentes, praesentationem Perpiniani aut Barcinonae de praesentibus faciendam, concordatam in capitulis die decimotertio Decembris proxime lapsi Narbonae super materia vnionis firmatis (de qua quidem praesentatione certificabimini in Constantia) compareatis ad schisma sedandum, vnionem ecclesiae procurandam, reformationem etiam ipsius ecclesiae tam in capite quam in membris complendam, & deiectionem dicti Benedicti effectualiter faciendam, & ad electionem futuri Romani pontificis procedendum, ac pro aliis causis & rationibus, quae ad generale Concilium de iure pertinent & spectant. Per hoc enim populum quem Christus suo sanguine precioso acquisiuit, in vnum ouile ad gloriam aeternam consequendam, apta mente, ac debitum Deo & ecclesiae matri nostrae reddituri, aeternaeque retributionis praemia consequi poteritis.

Datum & actum Constantiae in ecclesia cathedrali dicti loci, in qua pro praemissis fueramus congregati secundo Nonas Februarii, anno a natiuitate Domini millesimo quadringentesimo decimosexto, apostolica sede vacante.

Postquam autem praefatus archiepiscopus suam lectionem compleuisset, ambasiatores dicti regis Aragonum volentes satisfacere dicto capitulo, dixerunt per organum praefati magistri Antonii Taxal, vt sequitur.

Nos oratores & procuratores illustrissimi principis domini Alphonsi, domini nostri regis Aragonum, &c. conuocamus vos omnes praelatos, & ceteros dominos de hac congregatione, iuxta tenorem dicti capituli.

Deinde praelati, & ceteri in ipsa congregatione existentes, per organum dicti archiepiscopi Mediolanensis responderunt in hunc modum.

Nos miseratione diuina episcopi, presbyteri & diaconi cardinales, patriarcha, archiepiscopi, episcopi, praelati, & ceteri hic congregati, dictam conuocationem acceptamus, & offerimus nos paratos sine dilatione quacumque ad procedendum ad vltiora. Et insuper requirimus vos oratores & procuratores praedictos, quatenus ad vnionem faciendam nobiscum procedatis iuxta tenorem tertii capituli conuentionis praedictae, quod incipit: Tertio,



ANNO  
CHRISTI  
1416.

quod præfatis de obedientia domini Benedicti, &c. Oratores vero regis Aragonum responderunt per organum dicti domini Antonii Taxal, dicentes: Nos oratores & procuratores prædicti, dicto nomine vnimus nos vobis iuxta tenorem capituli antedicti. Mox domini prælati & ceteri dixerunt, & responderunt per organum domini Bartholomæi archiepiscopi Mediolanensis, vt sequitur.

Nos miseratione diuina episcopi, presbyteri & diaconi cardinales, patriarchæ, archiepiscopi, episcopi, prælati, & ceteri hic congregati, supradictam vnionem vestram acceptamus, & e conuerso nos vobis procuratoribus prædictis dicto nomine iuxta tenorem dicti capituli vnimus. Et sic tam prælati, quam ambasiatores prædicti dixerunt submissa voce: In nomine Patris & Filii & Spiritus sancti. Et super præmissis petierunt instrumentum & instrumenta hinc inde. Et præsidentes pro nationibus, ac cardinalis Ostiensis pro collegio cardinalium, responderunt, Placet.

Quibus sic peractis, præfati domini ambasiatores regis Aragonum descenderunt ambonem, & iuerunt in scamno, in quo sedebant domini ambasiatores regis Franciæ. Et interpositi fuerunt inter eosdem in hunc modum. Primo enim in primo loco sedebat egregius vir Ioannes de Gersono cancellarius ecclesiæ Parisiensis, sacre theologiae professor, ambasiator Francorum regis. Et post eum sedebat dominus Ioannes Raimundus Floch comes Cardonæ, ambasiator Aragonum regis, & sic de singulis.

Quibus sic ordinatis, & in bona concordia completis, reuerendissimi domini cardinales ac ceteri domini ac prælati pluuiialibus se induerunt, mitras capitibus impo-  
nentes: & reuerendissimus pater dominus Ioannes episcopus Ostiensis sanctæ Romanæ ecclesiæ cardinalis, in eadem sessione præsidens existens, assumptis secum diacono & subdiacono, & aliis, vt est moris; diaconus dixit alta voce cantando: Orate. Et hoc dicto, omnes genibus flexis per aliquod temporis interuallum orauerunt, &c. omnibusque ceremoniis completis solenniter, prout est de more aliarum sessionum, lectoque euangelio, *Hoc est præceptum meum, vt diligatis inuicem*, archiepiscopus Mediolanensis legit decreta & capitula sequentia.



*Concessio vocum ambasiatorum regis Aragonum.*ANNO  
CHRISTI  
1416.

Sacrosancta generalis Synodus Constantiensis in Spiritu sancto legitime congregata, ex certa scientia & etiam certis ex causis animos dictae Synodi specialiter mouentibus, pro bono pacis & vnionis redintegrandae in ecclesia sancta Dei, statuit & decernit, ac salua semper protestatione infra scripta, quam in omnibus infra scriptis capitulis, & in singulis eorum partibus voluit habere pro repetita, liberaliter concedit dilectis ecclesiae filiis, nobilibus, religiosis & egregiis viris Ioanni Raimundo Floch Cardonae comiti, fratri Antonio Taxal sacrae paginae magistro, generali ordinis beatae Mariae de mercede, & Raimundo de Xantin militi, Speranti-in-Deo Cardonae iurisperito, Gundifaluo Garfia de sancta Maria decretorum, & Michaeli de Nauers vtriusque iuris, doctoribus, oratoribus, procuratoribus, ambasiatoribus & consiliariis clarissimi ipsius ecclesiae filii Alphonfi regis Aragonum illustris, & pro maiori robore & firmitate cum eisdem oratoribus praesentibus conuenit ac paciscitur, quod oratores praefati praesentes, & alii venturi oratores eiusdem regis, hic durante Concilio, & pro hac vice tantum, tantam habeant vocem, tantae virtutis & auctoritatis, quantae essent voces omnium praelatorum, ecclesiasticarumque personarum, regnorum & terrarum ipsius regis, quae possidet citra & ultra mare, quae ad generale Concilium sunt assuetae vocari; & hoc in hac natione Hispanica in qua erunt: quodque per hoc Concilium expediantur negotia per nationes, iuxta modum qui in praesenti Concilio haecenus obseruatus est.

Item quod clarissimi ecclesiae filii reges Castellae, Portugalliae & Nauarrae illustres, habeant eandem gratiam, quae etiam exnunc intelligitur concessa, in quantum ipsi vel procuratores eorum habere eam voluerint: ipsis tamen regibus Castellae & Nauarrae obseruantibus capitula in ciuitate Narbonensi inter clarissimum ecclesiae filium Sigismundum Romanorum & Hungariae regem illustrem, & dilectos etiam ipsius ecclesiae filios, procuratores & nuntios dictae Synodi ex vna; & procuratores & oratores praedictorum regum Castellae, Aragonum & Nauarrae, & dilectorum ecclesiae filiorum Fuxi & Armeniaci



ANNO  
CHRISTI  
1416.

niaci comitum partibus ex altera concordata.

*Item quod prædicta concessio valeat pro prælatis & personis  
ecclesiasticis prædictis, tunc a Concilio  
absentibus.*

Item sollemniter protestatur, quod prædicta concessio atque statuta, decreta, conuentiones & pacta huiusmodi omnino intelligantur facta sine aliquo præiudicio capitulorum prædictorum, in dicta ciuitate Narbonensi concordatorum: quibus capitulis concordatis ac concordia dicta sancta Synodus omnino stare intendit, nec ab eis in toto vel in parte recedere; & ita in præsentia oratorum prædictorum sollemniter protestatur.

*Subsequenter idem archiepiscopus legit in ambone  
quæ sequuntur.*

Sacrofancta generalis Synodus Constantiensis, in Spiritu sancto legitime congregata, viso & considerato capitulo secundo ex capitulis Narbonensibus, inter clarissimum ecclesiæ filium Sigismundum Romanorum & Hungariæ &c. regem illustrem, & dilectos etiam ecclesiæ filios, procuratores & nuntios dictæ Synodi ex vna, & procuratores & oratores clarissimorum dictæ ecclesiæ filiorum, Castellæ, Aragonum & Nauarræ regum illustrium, & dilectorum ecclesiæ filiorum Fuxi & Armeniaci comitum partibus ex altera concordatis, quod incipit: Secundo, quod dictæ conuocationes fiendæ, &c. Deinde finito dicto capitulo legebat hæc verba: videlicet,

Volens in omnibus obseruare dictum capitulum, promittit, ratum habet, securat, & specialiter confirmat ac nouiter firmat, ac statuit & decernit in omnibus & per omnia, prout in dicto capitulo cõtinetur. Viso etiam quarto capitulo dictorum capitulorum, quod incipit: Quarto, quod per dictum vniendum Concilium, &c. abolet, tollit, annullat eadem sancta Synodus quoscumque processus, sententias, ordinationes, statuta & pœnas, vt in dicto capitulo quarto supra descritto continetur, vsque ibi: Et quod statuatur, &c.

Item statuit eadem sancta Synodus, quod nunquam de cetero ratione vel occasione dicti schismatis aut adhæsi-

*Concil. Tom. 29.*

T t t



nis dicti domini Benedicti, & sui prædecessoris domini Clementis, possit contra dictos reges, principes, & alios de obedientia dicti Benedicti quomodolibet procedi in iudicio vel extra, vt in fine dicti capituli quarti supra descripti continetur. Viso etiam quinto capitulo, quod incipit: Quinto, quod per dictum formandum capitulum & Concilium &c. eadem sancta Synodus approbat, laudat, confirmat, & meliori modo quo fieri potest, plenissime firmat omnes & singulas dispensationes, gratias & concessionem factas per dominum Benedictum prædictum quibusvis personis suæ obedientiæ, de quibusvis dignitatibus, vt in dicto quinto capitulo continetur, vsque in diem primæ requisitionis factæ eidem domino Benedicto per reges & principes suæ obedientiæ, vt in ipso capitulo continetur. Viso etiam vndecimo capitulo, quod incipit: Vndecimo, quod dictus dominus rex, &c. Et attento quod dicitur in dicto vndecimo capitulo ibi: Et quod in prima sessione dicta sancta Synodus, &c. facit, concedit, statuit & ordinat in omnibus & per omnia, prout in dicto vndecimo capitulo continetur.

Omnia præmissa tam prælati, ceterique notabiles viri sessioni interessentes, quam oratores sæpe fati, expresse iurauerunt. Iuramenta autem prædicta nomine Concilii & aliorum quorum intererat, de ipsius Concilii mandato requisierunt & receperunt reuerendi patres domini Jacobus Rhodini a parte dextra, in qua sedent episcopi & presbyteri cardinales, & Thomas Poltenis sanctæ sedis apostolicæ protonotarius a parte sinistra, in qua sedent diaconi cardinales & ceteri.

Quibus præstitis præfatus dominus Mediolanensis legit schedulam tenoris sequentis: Et prædicta omnia & singula intelligantur, & locum habeant, semper attento tenore omnium & singulorum capitulorum Narbonæ concordatorum, quibus & eorum cuilibet dicta sancta Synodus stare intendit, nec ab eis, vel eorum aliquo in toto vel in parte recedere. Ad quam ex parte nationum & dominorum cardinalium fuit responsum, Placet. Deinde dominus Antonius Taxal legit quamdam schedulam tenoris subsequens.



*Schedula acceptationis, per ambasiatores regis  
Aragonum lecta.*

Nos Ioannes Raimundus Floch comes Cardonæ, frater Antonius Taxal sacra paginæ magister, generalis ordinis beatae Mariæ de mercede, Raimundus Zatmar miles, Spērans-in-Deo Cardonæ iuris peritus, Gundifalvus Garfiæ de sancta Maria decretorum, & Michael de Nauers, vtriusque iuris doctores, oratores, procuratores, ambasiatores & consiliarii illustrissimi principis & domini nostri Alphonsi regis Aragonum &c. dictis nominibus & quolibet ipsorum nominum, omnibusque aliis melioribus modo, via, iure, forma, causa & nominibus, quibus validius & efficacius possumus & valemus, omnia & singula decreta, statuta & protestationes, nec non conuentiones ac pacta per sacrosanctam generalem Synodum Constantiensem nobiscum dictis nominibus facta & edita, & quæ nunc sunt seriosius lecta, ipsa habentes pro sufficienter expressis, & solenniter repetitis, vice & nomine domini nostri regis præfati, ac omnium regnorum & terrarum suarum, acceptamus, assentimus, approbamus, & solenniter confirmamus: & similiter sicut ipsa Synodus protestata est, quod non intendit recedere a capitulis in prædicta ciuitate Narbonensi concordatis, de quibus in decreto præsentis Concilii nunc de proximo edito, quod hic volumus habere pro expresso & specificè declarato, facta extitit mentio specialis, ita & nos dictis nominibus & quolibet eorum solenniter protestamur. Et super omnibus superius descriptis, promotores Concilii petierunt instrumenta. Et similiter ambasiatores regis Aragonum per organum Antonii Taxal hoc idem petierunt.

Prædictis peractis, Antonius Taxal fecit collationem ad commendationem regis & reginæ Aragonum, assumens prothematē, *Rex tuus venit*, Matth. 21. Qua collatione facta reuerendissimus pater dominus Franciscus tituli sanctorum Cosmæ & Damiani cardinalis, nomine Synodi respondendo Antonio Taxal, fecit breuem collationem, dicens: Exultemus omnes in Domino. Post huius collationem cœperunt omnes cantare hymnum, Te Deum laudamus, &c. Et oratione dicta, fuit cantata Missa de Spiritu



sancto per reuerendissimum patrem cardinalem Aquileiensem vulgariter nuncupatum. Acta fuerunt hæc anno, indictione, mense & loco quibus supra, &c.

ANNO  
CHRISTI  
1416.

SESSIO XXIII.

**I**OVIS die quinta mensis Nouembris, anno a natiuitate Domini millesimo quadringentesimo decimosexto, indictione nona, fuit celebrata generalis sessio in maiori ecclesia Constantiæ, præsidente eidem sessioni reuerendissimo patre domino Ioanne episcopo Ostiensi, sanctæ Romanæ ecclesiæ cardinali & vicecancellario. Fuitque cantatum officium Missæ de Spiritu sancto per dominum Ioannem patriarcham Antiochenum. Quo expleto, legentur litanie, & alia fiebant quæ in sessionibus fieri solent. Eisdem completis, reuerendissimus pater dominus Bartholomæus archiepiscopus Mediolanensis legit & publicauit ordinationem sanctæ Synodi sub tenore sequenti.

*Commissio deputatorum data super informatione summaria facienda ad effectum citationis personalis, & per edictum contra Petrum de Luna.*

Sacrosancta generalis Synodus Constantiensis in Spiritu sancto legitime congregata, in auctore pacis vno Deo nostro Iesu Christo, qui sibi sponsam vnam sanctam ecclesiam sui preciosi sanguinis precio comparauit, quæ in Christo Iesu summo angulari lapide creuit in templum sanctum in Domino, iunctisque simul parietibus fecit vtraque vnum, vt in pace fieret locus eius ad tollendum pacis obstacula, vniendamque scissuram fidelium, in qua ille\* Christi aduersarius caput ecclesiæ malignantium, \* pacis dolens satis & erubescens, hominem constantem ex lutea materia, caritatem in terra tenere, quam in celo nequiuerat habere, ipsius sponsæ Christi per schisma pestiferum, pro dolor, ingens, & tam diuturnis, vtpote triginta octo annorum, temporibus iam peractis, caritatem vulnerauit, rescidit vnitatem. Quæ licet in magna parte Spiritus sancti gratia in præsentis sacratissima generali Synodo ad hoc præcipue inter cetera congregata cooperante, coniuncta sit per eiectionem & renuntiationem domini Baltassaris olim Ioannis vigesimitertii, & renuntiationem Angeli de Corario, Gregorii duodecimi in sua obedi-

Epl. 2.